

BOSNA I HERCEGOVINA



БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine  
Тужилаштво Босне и Херцеговине

**Broj: T20 0 KTRZ 0008214 17**  
**Sarajevo, 03.03.2022. godine**

**SUD BOSNE I HERCEGOVINE**  
**Sudiji za prethodno saslušanje**  
**S A R A J E V O**

Na osnovu čl. 35. st. 1. i 2. t. i) i čl. 226. i 227. Zakona o krivičnom postupku Bosne i Hercegovine podižemo,

**OPTUŽNICU**

**protiv,**

**1.DRAGANA ĐURIĆA,** [REDACTED], rođen [REDACTED]  
.1963. godine u Bosanskom Novom sada Novi Grad,  
[REDACTED]

;

**2.SIME LIČINE,** [REDACTED], rođen [REDACTED]  
.1969. godine u Bosanskom Novom sada Novi Grad,  
[REDACTED]

;

**3.NEDELJKA PILIPOVIĆA,**

rođen [REDACTED] .1969. godine u Kozarskoj Dubici,

**4.ŽARKA KALINIĆA,** zv. Đedin,

rođen [REDACTED] 1971. godine u Bosanskom Novom sada Novi Grad,

[REDACTED];

**5.MIRE BOSANČIĆA,**

rođen

[REDACTED] 1969. godine u Bosanskom Novom sada Novi Grad,

[REDACTED];

**6.BOGDANA GRABA,**

rođen

[REDACTED] 1962. godine u Bosanskom Novom sada Novi Grad,

[REDACTED];

**7.ŽARKA GRABA,**

rođen

[REDACTED] 1966. godine u Bosanskom Novom sada Novi Grad,

i

**8.JOVANA GRABA,**

rođen

[REDACTED] 1970. godine u Bosanskom Novom sada Novi Grad,

[REDACTED];

**zbog postojanja osnovane sumnje da su,**

u periodu od maja 1992. godine pa do kraja marta 1993. godine, u okviru širokog i sistematičnog napada Vojske Srpske Republike BiH, usmjerenog protiv nesrpskog stanovništva opštine Bosanski Novi sada Novi

Grad i okolnih sela Donjih Agića, Gornjih Agića, Crne Rijeke, Suhače, Hozića, Blagaja, Alića, Ekića i drugih naselja u dolini rijeke Japre, te Urija i drugih naselja nastanjenim nesrpskim stanovništvom u opštini Bosanski Novi sada Novi Grad, znajući za taj i takav napad, svjesni da njihove radnje predstavljaju dio tog napada, kao vojni policajaci pripadnici Voda vojne policije Lake novogradske brigade Vojske Srpske Republike BiH, vojna pošta 7088 Novi Grad, koji je bio stacioniran na prvom spratu Vatrogasnog doma u Bosanskom Novom sada Novom Gradu, koji dom je u toku proteklog rata pretvoren u logor, gdje su bili angažovani na obezbjeđenju zatočenika civila nesrba, na način da su imali ključ od vrata podruma koji se nalazi u prizemlju ovog logora, u kojem su prethodno od strane nepoznatih osoba, suprotno osnovnim pravilima međunarodnog prava, bili zatočeni civili nesrbi, te su u svakom momentu mogli otključati vrata, ući u ovaj podrum, pa su s ciljem progona nesrpskog stanovništva na nacionalnoj, etničkoj, kulturnoj i vjerskoj osnovi koja je univerzalno prihvaćena kao nedopustiva po međunarodnom pravu, koji progon su činili putem ubistava, prisilnog nestanka osoba uz dopuštenje Srpske Republike BiH, te nečovječnog postupanja pri kojem su zatočenicima nanosili velike patnje, i to,

### **1. Dragan Đurić i Miro Bosančić,**

u periodu od 25. jula pa do druge polovine avgusta 1992. godine, Dragan Đurić i Miro Bosančić zajedno i sa drugim neidentifikovanim vojnim policajcima, dolazili u podrum logora, gdje su zatočenike

[REDAKCIJSKI ZNAK] , gotovo svakodnevno tukli, i to tako što su zajedno, snažno zamahujući, zadavali im udarce rukama, nogama obuvenim u vojničke čizme, policijskim i drvenim palicama, kundacima pušaka i drugim predmetima koje su imali kod sebe po cijelom tijelu, kao i hvatanjem za kosu i udaranjem njihovim glavama od betonsku gredu koja je sazidana iz plafona, što je kod ovih zatočenika stvaralo jake bolove, od kojih su jaukali, od kojih nisu mogli stajati na nogama i od kojih se nisu mogli kretati;

## **2.Dragan Đurić i Miro Bosančić, sa još jednim neidentifikovanim vojnim policajcem,**

tačno neutvrđenog datuma, u periodu od 25. jula, pa do druge polovine avgusta 1992. godine, u večernjim satima, Dragan Đurić, Miro Bosančić i još jedan neidentifikovani vojni policajac, zajedno došli pred vrata podruma logora, ista otključali, otvorili i ušli u ovu prostoriju gdje je Dragan Đurić, u prisustvu Mire Bosančića, neidentifikovanog vojnog policajca i ostalih zatočenika prozvao zatočenika [REDACTED] i naredio mu da krene sa njima trojicom, govoreći mu da treba da ih odvede do svog komšije čije mu ime nisu rekli, na šta je ovaj u strahu, jer su ga Dragan Đurić i Miro Bosančić već ranije u ovom logoru tukli, krenuo sa njima, da bi nakon kraćeg proteka vremena, Dragan Đurić ponovo došao u ovaj podrum, te u prisustvu ostalih zatočenika, prozvao i naredio zatočenicima [REDACTED] da krenu za njim, te su ova dvojica u strahu, jer je i njih ranije u ovom logoru tukao to i učinili i krenuli za njim, pa su ih Dragan Đurić i neidentifikovani vojni policajac odveli do zgrade Srednjoškolskog centra u Bosanskom Novom sada Novom Gradu, gdje ih je čekao Miro Bosančić koji je stajao pored [REDACTED], koji je ležao nepomičan na zemlji, jer su ga nepoznate osobe pretukle tako da je imao modrice po licu, uslijed kojih batina je preminuo, pa je Dragan Đurić, [REDACTED] naredio da mrtvo tijelo [REDACTED] prenesu do zgrade logora, što su njih dvojica pokušali učiniti, u čemu nisu uspjeli jer je [REDACTED] bio čovjek velike tjelesne težine, na šta je Dragan Đurić otišao do obližnjih kuća, odakle je dovezao kolica tzv. tačke, na koja su [REDACTED], po naredbi Dragana Đurića uspjeli smjestiti mrtvo tijelo [REDACTED], te ga odvezli do zgrade logora, koja je od Srednjoškolskog centra udaljena oko jednog kilometra, pa kada su ga dovezli do logora, pred kojim se nalazilo parkirano teretno motorno vozilo-kombi, nepoznate marke i nepoznatih registarskih oznaka, kada je Dragan Đurić smijući se, otvorio vrata na ovom vozilu iz kojeg se sa radija čula glasna narodna muzika i naredio [REDACTED] da mrtvo tijelo [REDACTED] smjeste u ovo vozilo, što su ova dvojica pokušali učiniti, u čemu nisu uspjeli, pa je Dragan Đurić rekao neidentifikovanom vojnom policajcu koji je stajao sa strane i posmatrao šta se događa, da pozove još jednog zatočenika, na šta je ovaj otišao do podruma i iz istog doveo zatočenika [REDACTED], tako da su [REDACTED], po naredbi Dragana Đurića, u prisustvu Mire Bosančića i neidentifikovanog policajca, mrtvo tijelo [REDACTED] smjestili u kombi vozilo, nakon čega je neidentifikovani vojni policajac rekao [REDACTED]

da uđe u kombi vozilo, na šta je reagovao Dragan Đurić, jer je od ranije poznavao ██████████, budući da su kao vozači obojica prije rata bili zaposleni u preduzeću ██████████ u Bosanskom Novom, rekavši ██████████ da izađe iz vozila, što je ovaj i učinio, da bi naredio ██████████ da uđe u vozilo, što je ovaj u strahu, jer ga je Dragan Đurić već ranije u ovom logoru tukao, i učinio, ušao u ovo vozilo, nakon čega je i Dragan Đurić ušao u vozilo, zauzeo mjesto vozača, dok su Miro Bosančić i neidentifikovani vojni policajac zauzeli mjesto pored vozača, te su sva trojica zajedno ovim vozilom na nepoznato mjesto odvezli mrtvo tijelo ██████████, dok su ██████████ prisilno odveli u nepoznato, koji se više nije vratio u ovaj logor, od kada mu se gubi svaki trag i koji još uvijek nije pronađen, pa je ██████████ još uvijek od strane Instituta za nestale osobe Bosne i Hercegovine, evidentiran kao neidentifikovana osoba;

### **3.Dragan Đurić i Miro Bosančić,**

tačno neutvrđenog datuma, od 25. jula, pa do druge polovine avgusta 1992. godine, u večernjim satima, Dragan Đurić i Miro Bosančić, zajedno došli pred podrum logora potom otključali i otvorili metalna vrata, ušli u ovu prostoriju, gdje je Dragan Đurić u prisustvu Mire Bosančića i ostalih zatočenika prozvao zatočenika ██████████ i naredio mu da krene za njim i Mirom Bosančićem, što je ovaj u strahu od njih dvojice, jer su ga ranije u ovom logoru i jedan i drugi tukli, učinio i krenuo za njima, pa su ga Dragan Đurić i Miro Bosančić, zajedno izveli iz logora i prisilno odveli u nepoznato, tako da se ██████████ u ovaj logor više nije vratio, od kada mu se gubi svaki trag i od tada još uvijek nije pronađen;

### **4.Dragan Đurić i Miro Bosančić,**

tačno neutvrđenog datuma, od 25. jula, pa do druge polovine avgusta 1992. godine, u večernjim satima, Dragan Đurić i Miro Bosančić, zajedno došli pred podrum logora, otključali i otvorili metalna vrata, ušli u ovu prostoriju, gdje je Dragan Đurić u prisustvu Mire Bosančića i ostalih zatočenika prozvao zatočenika ██████████ i naredio mu da krene za njim i Mirom Bosančićem, što je ovaj u strahu, iz razloga što su ga obojica već ranije u ovom logoru tukli, učinio i krenuo za njima, pa su Dragan Đurić i Miro Bosančić, ██████████ izveli iz logora, te ga prisilno odveli u nepoznato, nakon čega se više nije vratio u ovaj logor, od kada mu se gubi svaki trag i od tada još uvijek nije pronađen;

## **5.Dragan Đurić i Miro Bosančić,**

tačno neutvrđenog datuma, od 25. jula, pa do druge polovine avgusta 1992. godine, u večernjim satima, Dragan Đurić i Miro Bosančić, zajedno došli pred podrum logora, otključali potom otvorili vrata, ušli u ovu prostoriju, gdje je Dragan Đurić u prisustvu Mire Bosančića i ostalih zatočenika prozvao zatočenike [REDACTED] i naredio im da krenu za njim i Mirom Bosančićem, što su ova dvojica u strahu, a koji strah su osjećali iz razloga što su ih Dragan Đurić i Miro Bosančić već ranije u ovom logoru tukli, i učinila i krenula za njima, pa su zajedno Dragan Đurić i Miro Bosančić iz ovog logora izveli [REDACTED] i prisilno ih odveli u nepoznato, nakon čega se više nisu vratili u ovaj logor, od kada im se gubi svaki trag i od tada još uvijek nisu pronađeni;

## **6.Dragan Đurić i Miro Bosančić, sa još jednim neidentifikovanim vojnim policajcem,**

tačno neutvrđenog datuma, od 25. jula pa do druge polovine avgusta 1992. godine, u večernjim satima, Dragan Đurić, Miro Bosančić i neidentifikovani vojni policajac, zajedno došli pred podrum logora, otključali potom otvorili vrata, ušli u isti, gdje je Dragan Đurić, u prisustvu Mire Bosančića, neidentifikovanog vojnog policajca i ostalih zatočenika prozvao zatočenike [REDACTED], naredio im da krenu za njim, Mirom Bosančićem i neidentifikovanim vojnim policajcem, što su ova dvojica u strahu, kojeg su osjećali od Dragana Đurića i Mire Bosančića, jer su ih ova dvojica već ranije u ovom logoru tukli, učinili i krenuli za njima trojicom, pa kada su ih izveli iz podruma, maramama su obojici vezali oči, kako bi ih onemogućili da vide kuda ih odvode, pa su ih vozilom nepoznate vrste, marke i registarske označke odvezli na jedan nepoznat most iznad jedne nepoznate rijeke, na kojem su se zaustavili, gdje su, u namjeri da [REDACTED] liše života, obojicu izveli iz vozila, da bi jedan od njih trojice iz automatske puške rafalno ispalio metke u tijelo [REDACTED], te ga na taj način lišio života, a čije tijelo je s mosta palo u rijeku, što je [REDACTED] čuo a nije bio šta se dogodilo, jer su mu oči i dalje bile vezane, nakon čega su istim vozilom kojim su ih dovezli na ovo mjesto, u logor vratili [REDACTED], koji je po povratku u logor ostalim zatočenicima ispričao šta se dogodilo, a mrtvo tijelo [REDACTED] još uvijek nije pronađeno.

### **8.Bogdan Grab, Jovan Grab i Žarko Grab,**

tačno neutvrđenog datuma, u periodu od 21. avgusta, pa do druge polovine septembra 1992. godine, Bogdan Grab, Jovan Grab i Žarko Grab, u podrumu logora, u više navrata, zajedno sva trojica, snažno zamahujući rukama, nogama obuvenim u vojničke čizme, policijskim palicama, drvenim palicama, drškom od pištolja i drugim podesnim predmetima koje su imali kod sebe, po cijelom tijelu tukli zatočenike [REDACTED]  
[REDACTED], što je kod njih trojice stvaralo takve bolove od kojih su jaukali, od kojih nisu mogli stajati na nogama i od kojih se nisu mogli kretati;

### **9.Dragan Đurić, Simo Ličina, Nedeljko Pilipović, Žarko Kalinić, Bogdan Grab, Jovan Grab i Žarko Grab,**

dana 21. septembra 1992. godine, u popodnevnim satima, Dragan Đurić Simo Ličina, Nedeljko Pilipović, Žarko Kalinić, Bogdan Grab, Jovan Grab i Žarko Grab, zajedno došli u podrum logora odakle su izveli [REDACTED]  
[REDACTED] ostavivši u toj prostoriji samog [REDACTED], te ih odveli na prvi sprat ovog logora gdje su ih u jednoj od kancelarija i na hodniku, zajednički tukli, na način da su snažno zamahujući rukama, nogama na kojima su imali vojničke čizme, policijskim palicama, drvenim palicama, kundacima pušaka, drškama od pištolja i drugim predmetima koje su imali kod sebe, zadavali im udarce po cijelom tijelu, a što je kod ovih stvaralo jake bolove od kojih su jaukali, nakon čega su zajedno, [REDACTED] iz ovog logora prisilno odveli u nepoznato, tako da se više nisu vratili u ovaj logor, od kada im se gubi svaki trag i od tada još uvijek nisu pronađeni;

### **10.Dragan Đurić, Simo Ličina i Žarko Kalinić zv. Đedin,**

tačno neutvrđenog datuma, u toku oktobra 1992. godine, u popodnevnim satima, Dragan Đurić, Simo Ličina i Žarko Kalinić zv. Đedin, zajedno, nakon što su mu odsjekli desno uho, [REDACTED] uveli u podrum logora, gdje su ga zajedno sva trojica, u namjeri da ga liše života, lisicama vezali za jednu armaturnu rešetku, i to tako što su mu jednu ruku vezali jednim a drugu ruku drugim lisicama, odigavši ga od poda, te sa njega skinuli svu odjeću tako da je ostao potpuno go, da bi mu Simo Ličina i Žarko Kalinić, svaki po naosob kuhinjskim noževima isjekli kožu na leđima, što je kod ovoga stvaralo jake bolove od kojih je jaukao, da bi mu, nakon što su mu ova dvojica

noževima načinili više rana koje su krvarile, Dragan Đurić iz kartonske kutije u usta sipao šaku soli, a potom mu je po tako načinjenim ranama na leđima koje su krvarile, posuo so, što je kod [REDACTED] stvorilo toliko jake bolove da se njegovo jaukanje pretvorilo u urlikanje, uslijed čega je preminuo, nakon čega su sva trojica mrtvo tijelo [REDACTED] iznijeli iz ovog logora i odnijeli ga na nepoznato mjesto i koje od tada još uvijek nije pronađeno;

### **11. Dragan Đurić i Simo Ličina,**

tačno neutvrđenog datuma, u toku prve polovine oktobra 1992. godine, u popodnevnim satima, Dragan Đurić i Simo Ličina zajedno, ulazeći u podrum logora, otvorivši vrata, kada je [REDACTED], koji je u tom momentu bio sam zatočen u ovoj prostoriji, pokušao da istrči iz ove prostorije u namjeri da pobegne iz logora, u čemu nije uspio jer ga je Dragan Đurić zaustavio, pa su ga obojica zajednički pretukli, tako što su ga zamahujući snažno tukli rukama, nogama na kojima su imali vojničke čizme i drvenim kundacima automatskih pušaka, po cijelom tijelu, što je kod [REDACTED] stvorilo tako jake bolove od kojih je jaukao, od kojih nije mogao stajati na nogama i od kojih se nije mogao kretati;

### **12. Žarko Kalinić,**

u drugoj polovini oktobra 1992. godine, u podnevnim satima, Žarko Kalinić, zv. Đedin, ušao u podrum logora, odakle je izveo zatočenika [REDACTED] da ispred ulaza u ovaj logor čisti lišće, da bi mu u jednom momentu, dok je ovaj čistio lišće, naredio da uđe u logor, što je ovaj u strahu od njega, jer ga je već ranije u ovom logoru tukao, to i učinio i ušao u logor, da bi ga Žarko Kalinić doveo do stepenica koje vode na sprat te mu naredio da se krsti, što je [REDACTED] pokušao uraditi, ali budući da ne pripada Pravoslavnoj konfesiji, nije znao da se prekrsti, pa ga je Žarko Kalinić iz bijesa, psujući mu majku balijsku, drvenim kundakom automatske puške pokušao udariti u predjelu lica, u čemu nije uspio, jer se [REDACTED] izmakao i izbjegao udarac u lice, pa ga je u zamahu kundakom puške udario u predjelu prednje strane desnog ramena, čime ga je oborio na pod, a uslijed čega je [REDACTED] zadobio povredu u vidu loma desne ključne kosti, što mu je stvorilo bolove od kojih je jaukao, a koja povreda je konstatovana i usmeno mu saopštена u Bužimu prilikom pregleda od strane ljekara, kada je putem razmjene iz zatočeništva dospio na slobodu;

### **13. Žarko Kalinić i Simo Ličina,**

tačno neutvrđenog datuma, krajem decembra 1992. godine, ili tokom januara 1993. godine, Žarko Kalinić i Simo Ličina zajedno, iz podruma logora obojica izveli zatočenika ██████████, koji je na sebi imao samo kratke pantalone-šorc, pocijepanu jaknu i na nogama pocijepane patike, te ga na niskoj temperaturi, od koje mu se na golinim vlažnim nogama stvarao led, natjerali da na krugu ovog logora, hladnom vodom pomoći gumenog crijeva-šmrka opere putnički automobil marke „Citroen“ u kojoj se nalazila jedna muška osoba, pa dok je prao, prišao mu je Žarko Kalinić zv. Đedin i pitao ga da li poznaje osobu koja se nalazi u ovom vozilu, na šta je ovaj odgovorio da zna i da je to ██████████, na šta mu je, u namjeri da mu zada udarac, prišao Simo Ličina, na šta je reagovao Žarko Kalinić rekavši Simi Ličini da sačeka dok ovaj opere automobil, pa kada je ██████████ završio sa pranjem automobila, obojica su ga uveli u prostoriju u kojoj je bio zatočen, gdje su ga obojica tukli štapom od kestenovog drveta po cijelom tijelu, što je kod ██████████ stvaralo izuzetno jake bolove od kojih je jaukao, od kojih nije mogao stajati na nogama i od kojih se nije mogao kretati;

#### **14.Žarko Kalinić i Simo Ličina,**

u periodu od 21. septembra 1992. godine, pa do 23. marta 1993. godine, Žarko Kalinić zv. Đedin i Simo Ličina zajedno, u podrumu logora, zatočenika ██████████, u više navrata, snažno zamahujući tukli rukama, nogama obuvenim u vojničku čizmu, policijskim palicama, drvenim palicama, štapom od kestena, novinom savijenom u rolnu natopljenu vodom, po cijelom tijelu, od čega je trpio tako jake bolove od kojih jaukao, od kojih nije mogao stajati na nogama i od kojih se nije mogao kretati;

**čime su počinili, i to,**

**-Dragan Đurić,**

-pod tačkom 1 i 11. krivično djelo Zločini protiv čovječnosti iz čl. 172. st. 1. t. h), u vezi sa t. k) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

-pod tačkom 2,3,4 i 5. krivično djelo Zločini protiv čovječnosti iz čl. 172. st. 1. t. h), u vezi sa t. i) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

-pod tačkom 9. krivično djelo Zločini protiv čovječnosti iz čl. 172. st. 1. t. h), u vezi sa t. i) i k) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

-pod tačkom 6 i 10. krivično djelo Zločini protiv čovječnosti iz čl. 172. st. 1. t. h), u vezi sa t. a) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

**-Simo Ličina,**

-pod tačkom 9. krivično djelo Zločini protiv čovječnosti iz čl. 172. st. 1. t. h), u vezi sa t. i) i k) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

-pod tačkom 10. krivično djelo Zločini protiv čovječnosti iz čl. 172. st. 1. t. h), u vezi sa t. a) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

-pod tačkom 11, 13 i 14. krivično djelo Zločini protiv čovječnosti iz čl. 172. st. 1. t. h), u vezi sa t. k) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

**-Nedeljko Pilipović,**

-pod tačkom 9. krivično djelo Zločini protiv čovječnosti iz čl. 172. st. 1. t. h), u vezi sa t. i) i k) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

**-Žarko Kalinić,**

-pod tačkom 9. krivično djelo Zločini protiv čovječnosti iz čl. 172. st. 1. t. h), u vezi sa t. i) i k) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

-pod tačkom 10. krivično djelo Zločini protiv čovječnosti iz čl. 172. st. 1. t. h), u vezi sa t. a) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

-pod tačkom 12. krivično djelo Zločini protiv čovječnosti iz čl. 172. st. 1. t. h), u vezi sa t. k) KZ BiH, u vezi sa čl. 180. st. 1. KZ BiH;

-pod tačkom 13 i 14. krivično djelo Zločini protiv čovječnosti iz čl. 172. st. 1. t. h), u vezi sa t. k) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

**-Miro Bosančić,**

-pod tačkom 1. krivično djelo Zločini protiv čovječnosti iz čl. 172. st. 1. t. h), u vezi sa t. k) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

-pod tačkom 2,3,4,5,. krivično djelo Zločini protiv čovječnosti iz čl. 172. st. 1. t. h), u vezi sa t. i) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

-pod tačkom 6. krivično djelo Zločini protiv čovječnosti iz čl. 172. st. 1. t. h), u vezi sa t. a) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

**-Bogdan Grab,**

-pod tačkom 8. krivično djelo Zločini protiv čovječnosti iz čl. 172. st. 1. t. h), u vezi sa t. k) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

-pod tačkom 9. krivično djelo Zločini protiv čovječnosti iz čl. 172. st. 1. t. h), u vezi sa t. i) i k) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

**-Žarko Grab,**

-pod tačkom 8. krivično djelo Zločini protiv čovječnosti iz čl. 172. st. 1. t. h), u vezi sa t. k) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

-pod tačkom 9. krivično djelo Zločini protiv čovječnosti iz čl. 172. st. 1. t. h), u vezi sa t. i) i k) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH i

**-Jovan Grab,**

-pod tačkom 8. krivično djelo Zločini protiv čovječnosti iz čl. 172. st. 1. t. h), u vezi sa t. k) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH;

-pod tačkom 9. krivično djelo Zločini protiv čovječnosti iz čl. 172. st. 1. t. h), u vezi sa t. i) i k) KZ BiH, u vezi sa čl. 180. st. 1. KZ BiH, sve u vezi sa čl. 29. KZ BiH.

**Prijedlog za produženje mjera zabrane nakon potvrđivanja optužnice**

Rješenjem Sudije za prethodni postupak Suda BiH, broj: S1 1 K 041739 21 Krn 2, od 02.12.2021. godine, optuženim Draganu Đuriću, Simi Ličini, Nedeljku Pilipoviću, Žarku Kaliniću, Miri Bosančiću, Bogdanu Grabu, Žarku Grabu i Jovanu Grabu određene su mjere zabrane, i to,

-Zabrana napuštanja mjesta boravišta i zabrana putovanja van BiH iz čl. 126. st 1 i 2. ZKP BiH;

-Zabrana sastajanja sa određenim osobama iz čl. 126a st. 1. t. d) ZKP BiH i

-Obaveza javljanja nadležnom državnom organu iz čl. 126a. st. 1. t. d) ZKP BiH.

Smatramo da i nakon potvrđivanja ove optužnice navedene mjere zabrane trebaju da ostanu i dalje na snazi u odnosu na optužene Dragana Đurića, Simu Ličinu, Nedeljka Pilipovića, Žarka Kalinića, Miru Bosančića, Bogdana Graba, Žarka Graba i Jovana Graba iz sljedećih razloga.

I dalje postoje okolnosti koje ukazuju na opasnost od bjekstva optuženih, odnosno osnovana bojazan da će optuženi, boravkom na slobodi, uništiti, sakriti, izmjeniti ili krivotvoriti dokaze kao i tragove koji su važni za konkretni krivični postupak, odnosno ometati uticajem na svjedoke i saučesnike.

Preme dosadašnjem stanju stvari, svi optuženi su bili procesno disciplinovani, pridržavali su se određenih mjera zabrane, Tužilaštvo BiH nije dobilo do sada niti jedan akt, koji bi govorio suprotno od toga.

Međutim, u skladu sa svojim navodima sa ročišta za određivanje mjere pritvora, Tužilaštvo BiH i dalje stoji na stanovištu da optuženi, s obzirom na zaprijećenu kaznu zatvora za krivično djelo za koje se terete, optuženi i dalje imaju itekako pravnog interesa da izbjegnu krivični postupak i utvrđivanje njihove odgovornosti. Činjenica je da su svi optuženi sa područja Bosanskog Novog sada Novog Grada i da bi bez izrečenih mjera zabrane, a s obzirom na pomenuti pravni interes, mogli pronaći svjedoke i na njih vršiti uticaj, kako da svejdoče, bez obzira što su svjedoci dali svoje iskaze u istrazi. Iz navedenog razloga, mjera zabrane sastajanja sa određenim osobama iz čl. 126a. st. 1. t. c) ZKP BiH, u odnosu na optužene, ukazuje se kao neophodna.

Bez obzira na činjenicu, što optuženi do sada nisu pokušavali napustiti teritorij Bosne i Hercegovine, oni u svakom trenutku, s obzirom na neposrednu blizinu državne granice BiH sa Republikom Hrvatskom, imaju mogućnost da istu pređu i odu u Republiku Hrvatsku i time vođenje ovog postupka, ako ne učine nemogućim, mogu ga u znatnoj mjeri otežati. Ove činjenice govore u prilog tome da je u odnosu na optužene nužna mjera Zabrane napuštanja mjesta boravišta i zabrane putovanja van BiH iz čl. 126. st. 1 i 2. ZKP BiH.

Shodno navedenom, primjerenom se ukazuje i izrečena Obaveza javljanja nadležnom državnom organu iz čl. 126a. st. 1. t. d) ZKP BiH.

Na osnovu navedenog predlažemo da Sud BiH, nakon potvrđivanja optužnice, optuženima Draganu Đuriću, Simi Ličini, Nedeljku Pilipoviću, Žarku Kaliniću, Miri Bosančiću, Bogdanu Grabu, Žarku Grabu i Jovanu Grabu izreknu mjere zabrane, i to,

-Zabrana napuštanja mjesta boravišta i zabrana putovanja van BiH iz čl. 126. st 1 i 2. ZKP BiH;

-Zabrana sastajanja sa određenim osobama iz čl. 126a st. 1. t. d) ZKP BiH i

-Obaveza javljanja nadležnom državnom organu iz čl. 126a. st. 1. t. d) ZKP BiH.

Smatramo da će se predloženim mjerama zabrane protiv Dragana Đurića, Sime Ličine, Nedeljka Pilipovića, Žarka Kalinića, Mire Bosančića, Bogdana Graba, Žarka Graba i Jovana Graba omogućiti nesmetano vođenje krivičnog postupka.

**Tužilac/Tužitelj  
Tužilaštva/Tužiteljstva BiH**